

摛藻堂四庫全書薈要

集部

欽定四庫全書叢要卷一萬七千六百七十八集部

御定全唐詩卷二百七十三

戴叔倫

戴叔倫字幼公潤州金壇人劉晏管鹽鐵表主運湖南
嗣曹王皋領湖南江西表佐幕府皋討李希烈留叔倫
領府事試守撫州刺史俄即真遷容管經略使綏徠蠻
落威名流聞德宗嘗賦中和節詩遣使者寵賜世以為

榮集十卷今編詩二卷

獨不見

前宮路非遠舊苑春將遍玉戶看早梅雕梁數飛一作歸

燕身輕逐舞袖香暖傳歌扇自和秋風詞長侍昭陽殿
誰信後庭人年年獨不見

去婦怨

出戶不敢啼風悲日悽悽心知恩義絕誰忍分明別下坂車轔轔畏逢鄉里親空持牀前幔却寄家中人忽辭王吉去為是秋胡死若一作比今日情煩冤不相似

古意

悠悠南山雲濯濯東流水念我平生歡託居在東里失
既不足憂得亦不為喜安貧固其然處賤寧獨恥雲間
一作開虛我心水清淡吾味雲水俱無心斯可長伉儷

南野

治田長山下引流坦溪曲東山有遺瑩南野起新築家
世素業儒子孫鄙食祿披雲朝出畊帶月夜歸讀身勘
竟忘疲團團欣在目野芳綠可採泉美清可掬茂樹延

晚涼早田候秋熟茶烹松火紅酒吸荷杯綠解佩臨清池撫琴看修竹此懷誰與同此樂君所獨

曾遊

泊舟古城下高閣快登眺大江會彭蠡羣峰豁玄嶠清影涵空明黛色凝遠照碑留太史書詞刻長公調絕粒感楚囚丹衷猶照耀懷哉不可招憑闌一悲嘯

江行

漾舟晴川裏挂席候風生臨泛何容與愛此江水清蘆

洲隱遙嶂露日映孤城自顧踈野性屢忘鷗鳥情聊復
於時顧暫欲解塵纓驅馳非吾願虛懷浩已盈

孤鴻篇

江上雙飛鴻飲啄行相隨翔風一何厲中道傷其雌顧
影明月下哀鳴聲正悲已無矰繳患豈乏稻梁資嚙嚙
慕儔匹遠集清江渭中有孤文鶴翩翩好容儀共欣相
知遇畢志同棲遲野田鴟鴞鳥相妬復相疑鴻志一作鵠鴻

不汝較奮翼一作羽起高飛焉隨腐鼠欲負此雲霄期

感懷二首

尺帛無長裁淺水無長流水淺易成枯帛短誰人收人生取舍間趨競固非優舊交跡雖疎中心自云稠新交意雖密中道生怨尤踟蹰復踟蹰世路今悠悠

主人飲君酒勸君弗相違但當盡弘量觴至無復辭人生百年中會合能幾時不見枝上花昨滿今漸稀花落還再開人老無少期古來賢達士飲酒不復疑

喜雨

閒居倦時燠開軒俯平林雷聲殷遙空雲氣布層陰川
上風雨來灑然滌煩襟田家共歡笑溝澗亦已深團圓
聚鄰曲斗酒相與斟樵歌野田中漁釣滄江尋蒼天暨
有念悠悠終我心

歎葵花

今日見花落明日見花開花開能向日花落委蒼苔自

不同凡卉看時幾日一作日幾迴

從軍行

丈夫四方志結髮事遠遊遠遊歷燕薊獨戍邊城阪西
風壠水寒明月闊山悠一作愁酬恩仗孤劍十年弊貂裘

封侯屬何人蹉跎雪盈頭老馬思故櫪窮鱗憶深流彈
鋏動深慨浩歌氣橫秋報國期努力功名良見收

九日與敬處士左學士同賦采菊上東山便為

首句

采菊上東山山高路非遠江湖乍遼夐城郭亦在眼晝
日市井喧閨年禾稼晚開尊會佳客長嘯臨絕巘戲鶴

唉且閒斷雲輕不卷鄉心各萬里醉話時一展喬木列
遙天殘陽貫平坂徒憂征車重自笑謀慮淺却顧郡齋
中寄傲與君同

奉天酬別鄭諫議雲達盧拾遺景亮見別之作

一本無雲達盧拾

遺景亮見別之作

巨孽盜都城傳聞天下驚陪臣九江畔走馬來赴難伏
奏見龍顏旋持手詔還單車一作車馬不可駐朱檻未遑攀
故人出相餞共悲行路難臨歧荷贈言對酒獨傷魂世

故山川險憂多思慮昏重陰蔽芳月疊嶺明舊雪泥積
轍更深木冰花不發鄭君間世賢忠孝乃雙全大義棄
妻子至淳易生死知心三四人越境千餘里駿馬帳前
發驚塵路傍起樓頭俛首看莫敢相留止拜闕奏一作奉

良圖留中沃聖謨洗兵救衛一作收魏郡誘敵討幽都名亞

典屬國良選諫大夫從容九霄上談笑授一作解陰符盧

生富才術特立居近密採掇獻吾君朝一作明廷視聽新

寬饒狂自比汲黯直為鄰就列繼三事主文當七人可

憐長守道不覺五逢春昔去城南陌各為天際客關河
煙霧深寸步音塵隔羈旅忽相遇別離又茲夕前悲涕
未乾後喜心已感而我方老大頗為風眩迫夫君并少
年何爾鬢鬚白惆悵語不盡裔回情轉劇一尊自共持
以慰長相憶

梧桐

亭亭南軒外貞幹修且直廣葉結青陰繁花連素色天

資一作然 韶雅性不愧知音識

孤石

迥若千仞峰孤危不盈尺早晚他山來猶帶煙雨跡貞
堅自有分不亂和氏璧

花

花發炎景中芳春獨能久因風任開落向日無先後若
待秋霜來蘭蓀共何有

竹

卷籜正離披新枝復蒙密翛翛月下聞裊裊林際出

獨對芳菲終年色如一

懷素上人草書歌

楚僧懷素工草書古法盡能新有餘神清骨竦意真率
醉來為我揮健筆始從破體變風姿一一花開春景遲
忽為壯麗就枯澀龍蛇騰盤獸屹立馳毫驟墨劇奔駟
滿坐失聲看不及心手相師勢轉奇詭形怪狀翻合宜
人一作人細一作若問此中妙懷素自言初不知

女耕田行

乳燕入巢筭成竹誰家二女種新穀無人無牛不及犁
持刀斫地翻作泥自言家貧母年老長兄從軍未娶嫂
去年災疫牛因空截絹買刀都市中頭巾掩面畏人識
以刀代牛誰與同姊妹相攜心正苦不見路人唯見土
疏通畦隴防亂苗一作田整頓溝塍待時雨日正南岡下

餉歸可憐朝雉擾驚飛東鄰西舍花發盡共惜餘芳淚

滿衣

柳花歌送客往桂陽

滄浪渡頭柳花發
斷續因風飛不絕
搖煙拂水積翠間
綴雪含霜誰忍攀
夾岸紛紛送君去
鳴櫂孤尋到何處
移家深入桂水源
種柳新成花更繁
定知別後消散盡
却憶今朝傷旅魂

邊城曲

人生莫作遠行客
遠行莫戍黃沙磧
黃沙磧下八月時
霜風裂膚百草衰
塵沙晴天迷道路
河水悠悠向東去
胡笳聽徹雙淚流
一作浮雲羈魂慘慘生邊愁
原頭獵火一作

犬夜相向馬蹄蹴蹋層冰上不似京華俠少年清歌妙

舞落花前

屯田詞

春來耕田遍沙磧老稚欣欣種禾麥麥苗漸長天苦晴
土乾確確鉏不得新禾未熟飛煌至青苗食盡餘枯莖
捕蝗歸來守空屋囊無寸帛餅無粟十月移屯來向城
官敎去伐南山木驅牛駕車入山去霜重草枯牛凍死
艱辛歷盡誰得知望斷天南淚如雨

巫山高

巫山峩峩高插天危峰十二凌紫煙瞿塘嘈嘈急如弦
洄流勢逆將覆船雲梯豈可進百尺那能牽陸行巉巖
水不前灑淚向流水淚歸東海邊舍愁對明月明月空
自圓故鄉回首思綿綿側身天地心茫然

早春曲

青樓昨夜東風轉錦帳凝寒覺春淺垂楊搖絲鶯亂啼
裊裊煙光不堪翦博山吹雲龍腦香銅壺滴愁更漏長

玉頰啼紅夢初醒羞見青鸞鏡中影儂家少年愛遊逸
萬里輪蹄去無跡朱顏未衰消息稀腸斷天涯草空碧

白苧詞

館娃宮中露華冷月落啼鴝散金井吳王扶頭酒初醒
秉燭張筵樂清景美人不眠憐夜永起舞亭亭亂花影
新裁白苧勝紅綃玉佩珠纓金步搖回鸞轉鳳意自嬌
銀箏錦瑟聲相調君恩如水流不斷但願年年此同

一作

此宵東風吹花落庭樹春色催人等閒去大家為歡莫

延竹頃刻銅龍報天曙

行路難

出門行路難富貴安可期淮陰不免惡少辱阮生亦作窮途悲顛倒英雄古來有封侯却屬屠沽兒長安車馬隨輕肥青雲賓從紛交馳白眼向人多意氣宰牛烹羊如折葵謙樂寧知白日短時時醉擁雙蛾眉揚雄閉門空讀書門前碧草春離離不如拂衣且歸去世上浮名徒爾為

相思曲

高樓重重閉明月腸斷儂郎

一作隔年

江

別紫簫橫

笛寂無聲獨向瑤窗坐愁絕魚沉鴈杳天涯路始信人

間別離苦恨滿牙床翡翠衾怨折金釵鳳皇股井深轆

轤嗟綆短衣帶相思日應緩將刀斫水水復連揮刃割

情情不斷落紅亂逐東流水一點芳心為君死妾身願

作巫山雲飛入儂郎夢魂裏

送別錢起

陽關多古調無奈醉中聞歸夢吳山遠離情楚水分孤
舟經暮雨征路入秋雲後夜同明月山窗定憶君

送張南史

陋巷無車轍煙蘿總是春賈生獨未達原憲竟忘貧草
座留山月荷衣遠洛塵最憐知已在林下訪閒人

春日早朝應制

仙仗肅朝官承平聖主歡月沈宮漏靜雨濕禁花寒丹
荔來金闕朱櫻貢玉盤六龍扶御日只許近臣看

早行寄朱山人放

山曉旅人去天高秋氣悲明河川上沒芳草露中衰一作

溢此別又千萬一作里少年能幾時心知一作青冥一作剡溪路聊

且寄前一作心期

除夜宿石頭驛

一作石橋館

旅館誰相問寒燈獨可親一年將盡夜萬里未歸人寥

落悲前事支一作羈

一作

離笑此身愁

一作衰

顏與衰一作愁

一作愁

鬢明

日又去一作逢春

吳明府自遠而來留宿

一作盧新吳航忽
遠至留宿弊居

出門逢故友衣服滿塵埃歲月不可問山川何處來綺

一作倚

城容弊宅散職寄靈臺自

一作願

此留君醉相歡得

幾回

客夜與故人偶集

一作江鄉故人偶集客舍

天秋月又滿城闕夜千重還作江南會翻疑夢裏逢風

枝驚暗

一作鳴散鵲露草覆寒蛩旅長常

堪醉相留畏

曉鐘

送友人東歸

一作逢許評事

一作方

萬里楊柳色出關送

一作逢

故人輕煙拂流水落日照行

塵積夢江湖闊

一作遠

憶家兄弟貧襄回灞亭上不語自

一作
共傷春

江上別張歡

一作勸

年年五湖上厭見五湖春長醉非關酒多愁不為貧山

川

一作舊山

迷道路伊

一作清

洛因

一作暗

風塵今日扁舟別俱

為滄海人

廣陵送趙

一作王

主薄自蜀歸絳州寧覲

一本無
絳州寧

觀四字

將歸汾水上遠省

一作自

錦城來已泛西江盡仍隨北鴈

迴暮雲征馬速曉月故關開漸向庭闈近留君醉一杯

別友人

一作汝南送董校書又作

董校書

擾擾倦行役相逢陳蔡間如何

一作何為

百年內不見一人

閒對酒惜餘景問程愁亂山秋風萬里道

一作至又出

一作作

度穆陵關

宿城南感本道懷皇甫冉

暑夜宿城南懷人夢不成高樓邀落月疊鼓送殘更隔
浦雲林近滿川風露清東磯不可見矯首若為情

暉上人獨坐亭

蕭條心境外兀坐獨參禪蘿月明盤石松風落澗泉性
空長入定心悟自通玄去住渾無跡青山謝世緣

送崔融

王者應無敵天兵動遠征建牙連朔漠飛騎入胡城夜

月邊塵影秋風隴水聲陳琳能草檄含笑出長平

遊少林寺

步入招提路因之訪道林石龕苔蘚積香徑白雲深雙樹舍秋色孤峰起夕陰屢廊行欲遍回首一長吟

崇德道中

暖日菜心稠晴煙麥穗抽客心雙去翼歸夢一扁舟廢塔巢雙鶴長波漾白鷗關山明月到愴惻十年遊

雨

厯厯愁心亂迢迢獨夜長春帆江上雨曉鏡鬢邊霜啼
鳥雲山靜落花溪水香家人亦念我與汝黯相忘

過賈誼宅

一謫長沙地三年歎逐臣上書憂漢室作賦弔靈均舊
宅秋愁一作荒草西風客薦一作蘋淒涼回首處不見洛

陽人

冬日有懷李賀長吉

歲晚齋居寂情人動我思每因一尊酒重和百篇詩月

冷猿啼慘天高鴈去遲夜郎流落久何日是歸期

送郎士元

白髮金陵客懷歸不暫留交情分兩地行色載孤舟黃葉蟬吟晚滄江鴈送秋何年重會此詩酒復追遊

春江獨釣

獨釣春江上春江引趣長斷煙栖草碧流水帶花香心事同沙鳥浮生寄野航荷衣塵不染何用濯滄浪

山居即事

巖雲掩竹扉去鳥帶餘暉地僻生涯薄山深俗事稀
養花分宿雨翦葉補秋衣野渡逢漁子同舟蕩月歸

賦得長亭柳

濯濯長亭柳陰連灞水流雨搓金縷細煙裏翠絲柔送
客添新恨聽鶯憶舊遊贈行多折取那得到深秋

客中言懷

白髮照烏紗逢人只自嗟官閒如致仕客久似無家夜
雨孤燈夢春風幾度花故園歸有日詩酒老生涯

山行

山行分曙色 一路見人稀
野鳥啼還歇 林花墮不飛
雲迷棲鶴寺 水澀釣魚磯
回首天將暝 逢僧話未歸

春日訪山人

遠訪山中客 分泉謾煮茶
相攜林下坐 共惜鬢邊華
歸路逢殘雨 沿溪見落花
候門童子問 遊樂到誰家

臥病

門掩青山卧 莓苔積雨深
病多知藥性 客久見人心衆

鳥趨林健孤蟬抱葉吟滄洲詩社散無夢盍朋簪

贈月溪羽士

月明溪水上誰識步虛聲夜靜金波冷風微玉練平自
知塵夢遠一洗道心清更弄瑤笙罷秋空鶴又鳴

贈行脚僧

補衲隨緣住難違一作維一塵外蹤木杯能渡水鐵鉢肯降

龍到處棲雲榻何年卧雪峰知師歸日近應偃舊房松

重遊長真寺

同到長真寺青山四面同鳥啼花竹暗人散戶庭空蒲
澗千年雨松門午夜風舊遊悲往日回首各西東

晚望

山氣碧氤氳深林帶夕曛人歸孤嶂晚犬吠隔溪雲杉
竹何年種煙塵此地分桃源寧異此猶恐世間聞

寄贈翠巖奉上人

蘭若倚西岡年深松桂長似聞葛洪井還近贊公房挂
衲雲林淨翻經石榻涼下方一回首煙露日蒼蒼

過龍灣五王一本無閣訪友人不遇
此二字

野橋秋水落江閣暝煙微白日又欲午高人猶未歸青

林依古

一作石

塔虛館靜柴扉坐久思題字翻憐柿葉稀

與友人過山寺

共存春山興幽尋此日同談詩訪靈徹入社愧陶公竹
暗閒房雨茶香別院風誰知塵境外路與白雲通

賦得古井

一本無
此四字

送王明府

古井庇幽亭涓涓一竇明仙源通海水靈液孕山精久

早寧向涸長年祇自清欲彰貞白操酌獻使君行

送耿十三漳復往遼海

仗劍萬里去孤城遼海東旌旗愁落日鼓角壯悲風野
迴邊塵息烽消戍壘空轅門正休暇投策拜元戎

寄禪師寺華上人次韻三首

百年渾是客白髮總盈顛佛國三秋別雲臺五色連朝
盤香積飯夜甕落花泉遙憶談玄地月高人未眠

禪心如落葉不逐曉風顛貌坐翻蕭瑟舉比喜接連笑

芙蓉開紫霧湘玉映清泉白晝談經罷閒從石上眠

德士名難避風流學濟顛禮羅加璧至薦鶴與雲連塵
世休飛錫松林且枕泉近聞離講席聽雨半山眠

獨坐

白髮懷閩嶠丹心戀薊門官閒勝道院宅遠類荒村二
月霜花薄羣山雨氣昏東菑春事及好向野人論

李大夫見贈因之有呈

何言訪衰疾旌旆重淹留謝禮誠難荅裁詩豈易酬江

清寒照動山迴野雲秋一醉龍沙上終歡勝舊遊

長沙

一作亭

送梁副端歸京

奏書歸闕下祖帳出湘東滿座他鄉別何年此會同藉芳憐岸草聞笛怨江風且莫乘流去心期在醉中

和尉遲侍郎夏杪聞蟬

楚人方苦熱柱史獨聞蟬晴日暮江上驚風一葉前蕩搖清管雜幽咽野風傳旅舍聞君聽無由更晝眠

和李相公勉晦日蓬池遊宴

同字

高會吹臺中新年月桂空炤蟬臨野水旌旆引春風細
草榮斜岸纖條出故叢微文復看獵寧與解神同

彭婆館逢韋判官使還

受辭分路遠會府見君稀雨雪經年去軒車此日歸暮
春愁見一作更別久客順喜一作相依寂寞伊川上楊花空

自飛

酬別劉九郎評事傳一作專一作經同泉字

舉袂一作袖掩離弦枉一作聽君愁思篇忽驚池上鶯一作鴦

下一作正咽隴頭泉對牖牆陰滿臨扉日影圓賴聞黃太

守章句此中傳

漢南遇方評事

一作襄州遇房評事由

移家住漢陰不復問

一作向

華簪貫酒宜城近燒田夢澤

深暮山逢鳥入寒水見魚沈與物皆無累終年愜本心

湘中懷古

昔人從逝水有客弔秋風何意千年隔論心一日同楚
亭方作亂漢律正酬功條忽桑田變讒言亦已空

京口懷古

大江橫萬里古渡渺千秋浩浩波

一作風

聲險蒼蒼天色

愁三方歸漢鴟一水限吳州霸國今何在清泉波

一作波

長

自流

逢友生言懷一作別

安親非避地羈旅十餘年道長時流許家貧故舊憐相
逢今歲暮遠別一方偏去住俱難說江湖正渺然

長門怨

自憶專房寵曾居第一流移恩向他處一作何處去一作向何去暫
妬不容收夜靜一作夕管弦一作絲管絕月明宮殿秋空將
舊時意長望鳳皇樓

郊園即事寄蕭侍郎

一作呈蕭常
州復

衰鬢辭餘秩秋風入故園結茅成暖室汲一作脩井及清
源鄰里桑麻接兒童笑語喧終朝非役一作貴無役聊寄一作

向遠人言

贈韋評事儕

與道共浮沈人間歲月深是非園吏夢憂喜一作塞翁得失翁

心細草

一作竹

誰開徑芳條自結陰由來居物外無事可

抽簪

送少微上人入蜀

十方俱是夢

一作知不繫

一念偶尋山望刹經巴寺持瓶向

蜀闕亂猿心本定流水性長閒世俗多離別

一作恨

王城

幾日還

送道虔上人遊方

一作方

千詩

律儀通外學詩思入禪

一作玄

關煙景隨緣到

一作

風姿

一標與道閒貫花留靜室咒水度空山誰識浮雲意悠

悠天地間

送嵩律師頭陀寺

相傳五部學更有一人成此日靈山去

一作此夕

何方

半座迎麻衣逢雪暖草履

一作屣

躡雲輕若見中林石應

知第四生

舟中見雨

今夜初聽雨江南杜若青功名何鹵莽兄弟總彫零夢遠愁蝴蝶情深愧鶴鵠撫孤終日意身世尚流萍

送僧南歸

兵塵猶湏洞僧舍亦徵求師向江南去予方轂下留風霜兩足白宇宙一身浮歸及梅花發題詩寄隴頭

江干

江干望不及樓閣影繽紛水氣多為雨人煙遠是雲生何濩落客路轉辛勤楊柳牽愁思和春上翠幕

過友人隱居

瀟灑絕塵喧清溪流遶門水聲鳴石瀨蘿影到林軒地
靜留眠鹿庭虛下飲猿春花正夾岸何必問桃源

宿天竺寺曉發羅源

黃昏投古寺深院一燈明水砌長杉列風廊敗葉鳴山
雲留別偈王事速歸程迢邇羅源路輕輿候曉行

留宿羅源西峰寺示輝上人

一宿西峰寺塵煩暫覺清遠林生夕籟高閣起鐘聲山

寂僧初定廊深火自明雖云殊出處聊與說無生

題橫山寺

偶入橫山寺湖山景最幽露涵松翠濕風湧浪花浮老衲供茶盃斜陽送客舟自緣歸思促不得更遲留

泛舟

風軟扁舟穩行依綠水堤孤尊秋露滑短櫂晚煙迷夜靜月初上江空天更低飄飄信流去悵過子猷溪

宿靈巖寺

馬渡盤道峻投宿入招提雨急山溪漲雲迷嶺樹低涼
風來殿角赤日下天西偃腹虛簷外林空鳥恣啼

江上別劉駕

天涯芳草遍江路又逢春海月留人醉山花笑客貧離
杯傾祖帳征騎逐行塵回首風流地登臨少一人

南軒

野居何處是軒外一橫塘座納薰風細簾垂白日長
山如對畫臨水坐流觴更愛閒花木欣欣得向陽

泊鴈

泊鴈鳴深渚，收霞落晚川。
柝隨風斂陣，樓映月低弦。
漠汀帆轉幽，幽岸火然壑。
危通細路溝，曲繞平田。

巡諸州漸次空靈戎

一無巡諸州三字

寒盡鴻先至，一作春江回客未歸蚤知名。
是病勾一作

不敢繡為衣，霧積川原暗。
山多郡縣稀，明朝下湘岸。
更逐鷓鴣飛。

潭州使院書情寄江夏賀蘭副端

雲雨一蕭散悠悠闊復

一作路

河俱從汎舟役近隔洞庭

波楚

一作春

水去不盡秋風今又過無因得相見却恨寄

書多

過柳

一作州

柳

地盡江

一作江盡湘

南戍山分桂北林火雲三月含石路九

疑深暗谷隨風過危橋共鳥尋羈魂愁似

一作已愁絕

不復待猿吟

經巴東嶺

巴山不可上徒馭亦襄回舊棧欹難度朝雲濕未開澤
泉飛雪雨驚獸走風雷此去無停一作候一作征人候一作征人幾

日回

過申州

萬人曾戰死幾處見休兵井邑初安堵兒童未長成涼
風吹古木野火入殘營牢落千餘里山空水復清

次下牢韻

獨立荒亭上蕭蕭對晚風天高吳塞濶日落楚山空後

叫三聲斷江流一水通前程千萬里一夕宿巴東

潘處士宅會別

相邀寒影晚惜別故山空鄰里疎林在池塘野水通十

年難遇一作多難後一醉幾人同復此悲行子蕭蕭逐轉作

遠蓬

暮春沐髮晦日書懷寄章功曹風李錄事從訓

王少府純

朝沐散南闈

一作扉

盤跚待日晞持揚

一作

梳髮更落覽鏡

意多違吾友見嘗少春風去不歸登高一作取一作一

醉猶可及芳菲

長安早春贈萬評事

春風歸一作戚里曉日上花枝清管新鶯一作聲發重門

細柳垂經過千騎客調笑五陵兒何事靈臺客一作宿狂

歌自獨一作不知

留別宋處士

留歡方繼燭此會豈他人鄉里遊從舊兒童內外親夜

深愁不醉老去別何頻莫折園中柳相看惜暮春

留別道州李使君折

龍路下丹徼郵童揮畫橈山回千騎隱雲一作雪斷兩鄉

遙漁滬擁寒溜畬田落遠燒維舟更相憶惆悵坐空一作

通宵

將遊東都留別包諫議

衰客慙墨綬素舸逐秋風雲雨恩難報江湖意已終縣
當仙洞口路出故園東唯有新離恨長留夢寐中

灞岸別友

車馬去遲遲離言未盡時看花一醉別會面
幾年期樵路高山館漁洲楚帝祠南登回首處猶得望京師

臨川從事還別崔法曹

謬官辭獲免濫獄會平反遠與故人別龍鐘望所言陰
天寒不雨古木夜多猿老病北歸去餘年學灌園

海上別薛舟

一作丹

行旅悲搖落風波厭別離客程秋草遠心事故人知暮

鳥翻江岸征徒起路歧自應無定所還似欲相隨

婺州路別錄事

府中相見少江上獨行遠會日起離恨新年別舊寮春
雲猶伴雪寒渚未通潮回首羣山暝思君轉寂寥

建中癸亥歲奉天除夜宿武當山北茅平村

歲除日又暮山險路仍新驅傳迷深谷瞻星記北辰古
亭聊假寐中夜忽逢人相問皆嗚咽傷心不待春

京口送一作皇甫司馬副端曾舒州辭滿歸去

一本無
去字 東都

潮水忽復過

一作至

雲帆儼欲

一作若

飛故園雙闕下左宦

十年歸晚景照華髮涼風吹繡

一作別

衣淹留更一醉老

去莫相違

送李審之桂州謁中丞叔

知音不可遇才子向天涯遠水下山急孤舟上路賒亂

雲收暮雨雜樹落疎

一作秋

花到日應文會風流勝阮家

送王翁信及第歸江東舊隱

一作方干詩題云送友及第歸浙東

南行無俗侶秋鴈與寒

一作閒

雲野趣

一作性

自多心

一作愜

此地登臨慣含情

一送君

送李明府之任

身為百里長家寵五諸侯含笑聽緩狹搖鞭望斗牛梅
花堪比雪芳草不知秋別後南風起相思夢嶺頭

送郭太祝中孚歸江東

鄉人去欲盡北鴈又南飛京洛風塵久江湖一作淮音信

名香日總

一作名香人共
一作鄉名人共

聞吳山中路斷浙水半江分

稀舊山知獨往一醉莫相違未得辭羈旅無勞問是非

新秋夜寄江右友人

遙夜獨不寐寂寥蓬戶中河明五陵上月滿九門東舊

知親友一作萬里交親散故園江海空懷歸正南望此夕起秋

風

清明日送鄧芮二子還鄉一作方干詩

鐘鼓喧離日一作室車徒促夜裝曉厨新變一作火出輕柳暗

翻一作霜飛傳一作轉鏡看華髮持一作杯話故鄉每嫌兒女

淚今日自霑裳

送謝夷甫宰餘姚縣

餘姚一
作鄧縣

君去方為宰

一作縣

干

一作兵

戈尚未銷邑中殘老小亂後

少官僚解字經兵

一作山

火公田

沒海潮到時應

一作因

變

俗新政

一作譽
滿餘姚

送柳道時余北還

一作送觀察李
判官巡郴州

征役各異路

一作行役
各遠路

煙波同旅愁輕橈上桂水大船

下揚州何處成後會今朝分舊遊離心比楊柳蕭颯不

勝秋

送萬戶曹之任揚州便歸舊隱

擬歸雲壑去聊寄宦名中俸祿資生事文章實

一作詩
篇記

國風聽潮回

一作翻

楚浪看月照隋宮儻有登樓望

一作
夜

還應伴庾公

送李長史縱之任常州

不與名利隔且為江漢遊吳山本佳麗謝客舊淹留

俠

道

一作路

通陵口貧家住蔣州思歸復怨別寥落詎關秋

南賓送蔡侍御遊蜀

巴江秋欲盡遠別更淒然月照高唐

一作堂

人隨賈客

船積雲藏

一作橫

嶮路流水促

一作送

行年不料相逢日空

悲尊酒前

送崔拾遺峒江淮

一作東

訪圖書

九門思

一作重辭

諫議萬里採風謠關外逢秋月天涯過晚

潮鴈來

一作飛

雲杳杳木落浦蕭蕭空怨他鄉別廻舟暮

寂寥

九日送洛陽李丞之任

為文通絕境從宦及良辰洛下知名早腰邊結綬新且
傾浮菊酒聊拂染衣塵獨恨滄波侷秋來別故人

奉陪李大夫九日宴龍沙

邦君採菊地近接旅人居一命招衰疾清光照里闈去
官慙比謝下榻貴同徐莫怪沙邊倒偏霑杯酌餘

送車參軍江陵

一作送韋參軍
釋清江詩

槐花落盡柳陰清蕭索涼天楚客情海上舊山無的信

東門

一作汴東

歸路不堪行身隨幻境勞

一作無

多事跡學禪

心厭有名公子道存知不棄欲依劉表住南荆

遊清溪蘭若

薰隱者舊居

西看疊嶂幾千重秀色孤標此一峰丹竈久閒荒宿草

碧潭深處有潛龍靈仙已去空巖室

一作穴

到客唯聞古

寺鐘遠對白雲幽隱在年年

一作年時

不離舊杉松

贈史閑府

南天胡馬獨悲嘶白首相逢話鼓鼙野戰頻年沙朔外

旌竿高與雪峰齊扁舟遠泛輕全楚落日愁看舊紫泥
早晚瑤階歸伏奏獨一作猶能畫地取關西

登樓望月寄鳳翔李少尹

陌上涼風槐葉凋夕陽清露濕寒條登樓望月楚山迴
月到南樓山獨遙心送情人趨鳳闕目隨陽鴈極烟霄
軒轅一作車不重無名客此地還一作誰能訪寂寥

和汴州李相公勉人日喜春

年來日日春光好今日春光好更新獨獻菜羹憐應節

遍傳金勝喜逢人煙添柳色看猶淺鳥踏梅花落已頻
東閣此時間一曲翻令和者不勝春

奉酬盧端公飲後贈諸公見示之作

佐幕臨戎旆間五營無事萬家閒風吹楊柳漸拂地
日映樓臺欲下山綺席晝開留上客朱門半掩擬重闕
當時不敢辭先醉誤一作悟逐羣公倒載還

贈司空拾遺

侍臣何事辭雲陛江上彈冠見雪花望闕未承丹鳳詔

開門空對楚一作野人家陳琳草奏才還在王粲登樓興

不賒高館更容塵外客仍令歸去待瓊華

越溪村居

年來燒一作晚

客寄禪扉多話貧居在翠微黃雀一作鳥數

聲催柳變清溪一路踏花歸空林野寺經過少落日深
山伴侶稀負米到家春未盡風蘿閒掃釣魚磯

贈韓道士

一作張秘詩

日暮秋風吹野花上清歸客意無涯桃源寂寂烟霞一

雲

閉天路悠悠星漢斜還似世人生白髮定知教一作仙

骨變黃芽東城南陌頻相見應是壺中別有家

寄禹德躬故居

日暮山風吹女蘿故人舟楫定如何呂仙祠下寒砧急
帝子閣前秋水多閩海風塵鳴戍鼓江湖煙雨暗漁蓑
何時醉把黃花酒聽爾南征長短歌

寄司空曙

細雨柴門生遠愁向來詩句若為酬林花落處頻中酒

海燕飛時獨倚樓北郭晚晴山更遠南塘春盡水爭流
可能相別還相憶莫遣楊花笑白頭

過故人陳羽山居

向來攜酒共追攀此日看雲獨未還不見山中人半載
依然松下屋三間峰攢仙境丹霞上水遶漁磯綠玉灣
却望夏洋懷二妙滿崖霜樹曉斑斑

弔暢當

萬里江南一布衣早將佳句動京畿徒聞子敬遺琴在

不見相如駟馬歸。朔雪恐迷新塚草。秋風愁老故山薇。
玉堂知已能銘述。猶得精魂慰所依。

寄劉禹錫

謝相園西石徑斜。知君習隱暫為家。有時出郭行芳草。
長日臨池看落花。春去能忘詩共賦。客來應是酒頻賒。
五年不見西山色。悵望浮雲隱落霞。

寄孟郊

亂餘城郭怕經過。到處閒門長薜蘿。用世空悲聞道淺。

入山偏喜識僧多
醉歸花徑雲生履樵罷松巖雪滿蓑
石上幽期春又暮
何時載酒聽高歌

贈徐山人

亂餘山水半凋殘
江上逢君春正闌
針自指南天宵宵
星猶拱北夜漫漫
漢陵帝子黃金盃
晉代神仙白玉棺
回首風塵千里外一作別
故園煙雨五峰寒

過賈誼舊居

楚鄉卑濕歎殊方
鵬賦人非宅已荒
謾有長書憂漢室

空將哀些弔沅湘雨餘古井生秋草葉盡疎林見夕陽
過客不須頻太息咸陽宮殿亦淒涼

宮詞

紫禁迢迢宮漏鳴夜深無語獨含情春風鸞鏡愁中影
明月羊車夢裏聲塵暗玉堦綦跡斷香飄金屋篆煙清
貞心一任蛾眉妒買賦何須問馬卿

漢一作送宮人入道

蕭蕭白髮出宮門羽服星冠道意存霄漢九重辭鳳闕

雲山何處訪桃源
瑤池醉月勞仙夢
玉輦乘春却帝恩
回首吹簫天上伴
上陽花落共誰言

二靈寺守歲

守歲山房迥
絕緣燈光香
她共蕭然無人更
獻椒花頌
有客同參柏子禪
已悟化城非樂界
不知今夕是何年
憂心悄悄渾忘寐
坐待扶桑日麗天

暮春感懷

杜宇聲聲喚客愁
故園何處此登樓
落花飛絮成春夢

剩水殘山異昔遊歌扇多情明月在舞衣無意一作綵

雲收東皇去後韶華盡老圃寒香別有秋

四十無聞嬾慢身放情丘壑任天真悠悠往事杯中物
赫赫時名扇外塵短策看雲松寺晚疎簾聽雨草堂春
山花水鳥皆知已百遍相過不厭貧

哭朱放

幾年湖海挹餘芳豈料闌摧一夜霜人世空傳名耿耿
泉臺杳隔路茫茫碧窗月落琴聲斷華表雲深鶴夢長

最是不堪回首處九泉煙冷樹蒼蒼

酬藍厓耿少府漳見寄

方丈蕭蕭落葉中暮天深巷起悲風
流年不盡人自老外事無端心已空
家近小山當海畔身留環衛蔭一作隱

牆東遙聞相訪頻逢雪一醉寒宵誰與同

贈慧上人

仙槎江口槎溪寺幾度停舟訪未能自恨頻年為遠客
喜從異郡識高僧雲霞色釅禪房衲星月光涵古殿燈

何日却飛真錫返故人丘木翳寒藤

漸至一作次涪州先寄王員外使君縱

文教通

一作留

夷俗均輸問火田江分巴字水樹入夜郎

煙毒瘴含秋氣

一作景

陰崖蔽

一作閑

曙天路難空計日身

老不由年將命寧知

一作辭

遠歸心詎可傳星郎復何意

一作事
出守五溪邊

和河南羅主簿送校書兄歸江南

兄弟泣殊方天涯指故鄉斷雲無定處歸鴈不成行草

莽人煙少風波水驛長上虞親渤海東楚隔瀟湘古戍

陰傳火寒蕪曉帶霜海門潮灔灔沙岸荻蒼蒼京輦辭

芸芝

一作閣薺芳

一作衡方 憶草堂知君始寧隱還緝舊荷裳

曉聞長樂鐘聲

漢苑鐘聲早秦郊曙色分霜凌萬戶徹風散一城聞已
啓蓬萊殿初朝鴛鷺羣虛心方應物大扣欲干雲近雜
雞人唱新傳鳴氏文能令翰苑客流聽思氛氲

聽霜鐘

渺渺飛霜夜寥寥遠岫鐘出雲疑斷續入戶乍春容度
枕頻驚夢隨風幾韻松悠揚來不已杳靄去何從
鬢鬢煙嵐隔依稀巖嶠一作岫重此時聊一聽餘響繞千峰

同前

寥亮來豐嶺分明辨古鐘應霜如自擊中節每相從靜
聽非間扣潛應蘊聖蹤風間時斷續雲外更春一作冲容
虛警和清籟雄鳴隔亂峰因知之一作諭知已者一作感激

更難逢

御定全唐詩卷二百七十三


謹案卷二百七十二第十頁後三行始知山簡達

刊本達訛達據晉書改

卷二百七十三第三十頁前六行送觀察李判官

巡柳州刊本郴訛彬據本集改





總校官庶吉士臣張能照
校對官中書臣張墳
謄錄貢生臣張映杓

欽定四庫全書會要

集部

御定全唐詩卷二百七十六

四至

詳校官員補正政司經歷臣郭祚熾

欽定四庫全書
御定全唐詩卷一百七十四

集部

御定全唐詩卷一百七十四

戴叔倫

酬崔法曹遺劍

臨風脫佩劍相勸靜胡塵自料無筋力何由答故人

敬報孫常州二首

衰病苦奔走未嘗追舊遊何言問憔悴此日駐方舟
遠道曳故屐餘春會高齋因言別離久得盡平生懷

將赴東陽留上包諫議

敝邑連山遠仙舟數刻同多慚屢回首前路在泥中

答崔法曹

後會知不遠今歡亦願留江天梅雨散况在月中樓
問嚴居士易

自公來問易不復待加年更有垂簾會遙知續草玄

新年第二夜答處上人宿玉芝觀見寄

陽春已三日會友聞昨夜可愛剡溪僧獨尋陶景舍

赴撫州對酬崔法曹夜雨滴空堦五首

雨落濕孤客心驚比棲鳥空階夜滴繁相亂應到曉
高會棗樹宅清言蓮杜僧兩鄉同夜雨旅館又無燈
謗議不自辨親朋那得知雨中驅馬去非是獨傷離
離室雨初晦客程雲陡暗方為對吏人敢望郵童探
縱酒常擲盞狂歌時入室離羣怨雨聲幽抑方成疾

又酬曉燈暗離室五首

知疑姦叟謗閒與情人話猶是別時燈不眠同此夜

寒燈揚曉焰重屋驚春雨應想遠行人路逢泥潭阻
燈光照虛屋雨影懸空壁一向簷下聲遠來愁處滴
楚僧話寂滅俗慮比虛空賴有殘燈喻相傳昏暗中
雨聲亂燈影明滅在空階併枉五言贈知同萬里懷

同賦龍沙墅

回轉沙岸近欹斜林嶺重因君訪遺跡此日見真龍

昭君詞

漢宮若遠近路在寒沙一作上到死不得歸何人共南

望

勸陸三飲酒

寒郊好天氣勸酒莫辭頻擾擾鍾陵市無窮不醉人

關山月二首

月出照關山秋風人未還清光無遠近鄉淚半書一作宵

間

一鴈過連營繁霜覆古城胡笳在何處半夜起邊聲

送王司直

西塞雲山遠東風道路長人心勝潮水相送過潯陽

宿無可上人房

偶來人境外何處染囂塵倘許棲林下僧中老此身

山居

麋鹿自成羣何人到白雲山中無外事終日醉醺醺

口號

白髮千莖雪寒窗嬾著書最憐吟苜蓿不及向桑榆

夜坐

夜靜河漢高獨坐庭前月忽起故園思動作經年別

隄上柳

垂柳萬條絲春來織別離行人攀折處閨妾斷腸時

遣興

明月臨滄海閒雲戀故山詩名滿天下終日掩柴關

贈張揮使

謫戍孤城小思家萬里遙漢廷求衛霍劒佩上青霄

偶成

野水連天碧峯巒入海青滄浪者誰子一曲醉中聽

畫蟬

飲露身何潔吟風韻更長斜陽千萬樹無處避螳螂

題天柱山圖

拔翠五雲中擎天不計功誰能凌絕頂看取日升東

松鶴

雨濕松陰涼風落松花細獨鶴愛清幽飛來不飛去

草堂一上人

一公持一鉢相復度遙岑地瘦無黃獨春來草更深

題黃司直園

為憶去年梅凌寒特地來門前空臘盡潭未有花開

北山遊亭

西崦水泠泠沿岡有游亭自從春草長遙見祇青青

贈李唐山人

一作李
山人唐

此意無所欲一作靜無事閉門風景遲柳條將白髮相對共

垂絲

題秦隱君麗句亭

此一作人歸欲盡猶獨一作暫出自蕭山閉戶不曾一作出

詩名滿世間

答孫常州見憶

畫鷁春風裏迢遙去若飛那能寄相憶不並子猷歸

送裴明州一本有郎中徵三字效南朝體

沅一作瀟水連湘水千波萬浪中知郎未得去慚愧石尤

風

戲留一作顧十一明府

留別

江明雨初歇山暗雲猶濕未可動歸橈前程風浪一作正

急

答崔載華

文案日成堆愁眉拽不開偷歸甕間臥逢箇楚狂來

將赴行營勸客同醉

絲管霜天夜煙塵淮水西明朝上征去相伴醉如泥

夏夜江樓會別

不作十日別煩君此相留雨餘江上月好醉竹間樓

歲除日奉推事使牒追赴撫州辨對留別崔法

曹陸大祝處士上人同賦人字口號

一本題作歲除日追

赴撫州辨對

曹

上國杳未到流年忽復新回車不自識君定送何人

江館會別

離亭一會宿能有幾人同莫以回車泣前途不盡窮

容州回逢陸三別

一本無別字

西南積水遠老病喜生歸此地故人別空餘淚滿衣

古意寄呈王侍郎

夜光貯懷袖待報一顧恩日向江湖老此心誰為論

送李大夫渡口阻風

浪息定何時龍門到恐遲輕舟不敢渡空立望旌旗

過三閭廟

一本無過字

沅湘流不盡屈宋

一作子怨何深日暮秋煙

一作風起蕭蕭

楓樹林

泊湘口

湘山千嶺樹桂水九秋波露重猿聲絕風清月色多

遊道林寺

佳山路不遠俗侶到常稀及此煙霞暮相看復欲歸

後宮詞

初入長門宮謂言君戲妾寧知秋風至吹盡庭前葉

新別離

一作戎
呈詩

手把杏花枝未曾經別離黃昏掩闌後寂寞心自知一

自知心

夏日登鶴巖偶成

天風吹我上層岡，露灑長松六月涼。
願借老僧雙白鶴，碧雲深處共翶翔。

題淨居寺

玉壺山下雲居寺，六百年來選佛場。
滿地白雲關不住，石泉流出落花香。

昭君詞

漢家宮闕夢中歸
幾度擅房淚濕衣
惆悵不如邊鴈影
秋風猶得向南飛

織女詞

鳳棲停織鵲無音
夢憶仙郎夜夜心
難得相逢容易別
銀河爭似妾愁深

塞上曲二首

軍門頻納受降書
一劍橫行萬里餘
漢祖謾誇婁敬策
卻將公主嫁單于

漢家旌幟滿陰山
不遣胡兒足馬還
願得此身長報國

何須生入玉門關

閨怨

看花無語淚如傾
多少春風怨別情
不識玉門關外路
夢中昨夜到邊城

春怨

金鴨香消欲斷魂
梨花春雨掩重門
欲知別後相思意
回看羅衣積淚痕

旅次寄湖南張郎中

閉門茅底偶為鄰北阮那憐南阮貧却是梅花無世態
隔牆分送一枝春

題友人山居

四郭青山處處同客懷無計荅秋風數家茅屋清溪上
千樹蟬聲落日中

別鄭谷

朝陽齋前桃李樹手栽清蔭接比鄰明年此地看花發

愁向東風憶故人

贈鶴林上人

日日澗邊尋茯苓巖扉常掩鳳山青歸來挂衲高林下
自翦芭蕉寫佛經

題稚川山水

松下茅亭五月涼汀沙雲樹晚一作暗
一作蒼蒼行人無限秋

風思隔水青山似故鄉

過柳溪道院

溪上誰家掩竹扉
鳥啼渾似惜春暉
日斜深巷無人跡
時見梨花片片飛

荔枝

紅顆真珠誠可愛
白鬚太守亦何癡
十年結子知誰在
自向中庭種荔枝

憶原上人

一兩棕鞋八尺簾
廣陵行遍又金陵
不知竹雨竹風夜
吟對秋山那寺燈

閒思

伯勞東去鶴西還
雲總無心亦度山
何似嚴陵灘上客
一竿長伴白鷗閒

蘭溪棹歌

涼月如眉挂柳灣
越中山色鏡中看
蘭溪三日桃花雨
半夜鯉魚來上灘

蘇溪亭

蘇溪亭上草漫漫
誰倚東風十二闌
燕子不歸春事晚

一汀煙雨杏花寒

敬酬陸山人二首

黨議連誅不可聞直臣高士去紛紛當時漏奪無人問
出宰東陽笑殺君

由來海畔逐樵漁奉詔因乘使者車却掌山中子男印
自看猶是舊潛夫

答崔法曹賦四雪

楚僧躡雪來招隱先訪高人積雪中已別剝溪逢雪去

雪山修道與師同

撫州被推昭雪答陸太祝三首

求理由來許便宜漢朝龔遂不為疵如今謗起翻成累
唯有新人子細知

貧交相愛果無疑共向人間聽直詞從古以來何限枉
慚知暗室不曾欺

春風旅館長庭蕪俛首低眉一老夫已對鐵冠窮事本
不知廷尉念冤無

送獨孤愬還京

舉家相逐還鄉去不向秋風怨別時湖水兩重山萬里
定知行盡到京師

臨流送顧東陽

海上獨歸慚不及邑中遺愛定無雙蘭橈起唱逐流去
却恨山溪通外江

行營送馬侍御

萬里羽書來未絕五關烽火晝仍傳故人多病盡歸去

唯有劉楨不得眠

送秦系

五都來往無舊業一代公卿盡故人不肯低頭受羈束
遠師溪上拂纓塵

送裴判官回湖南

莫怕南風且盡歡湘山多雨夏中寒送君萬里不覺遠
此地曾為心鐵官

再巡道永留別

鬢下初驚白髮時更逢離別助秋悲從今不學四方事
已共家人海上期

別崔法曹

欲作別離西入秦芝田棗逕往來頻東湖此夕更留醉
逢著廬山學道人

送蕭二

擬向田間老此身寒郊怨別甚於春又聞故里朋遊盡
到日知逢何處人

湘川野望

懷人獨與佞人謀
聞道忠臣入亂流
今日登高望不見
楚雲湘水各悠悠

將至道州寄李使君

九疑深路遶山回
木落天清猿狹哀
猶隔簫韶一峯在
遙傳五馬向東來

與虞汎州謁藏真上人

故侯將我到山中
更上西峯見遠公
共問置心何處好

主人揮手指虛空

題招隱寺

昨日臨川謝病還求田問舍獨相闊宋時有井如今在
却種胡麻不買山

過珥瀆單老

老一作宅

毫末成園海變田單家依舊住溪邊比來已向人間老
今日相遇却少年

族兄各年八十餘見招游洞

鶴髮婆娑鄉里親相邀共看往年春擬將兒女歸來住
且是茅山見老人

登高回乘月尋僧

一作登高回醉中乘月與崔
法曹尋楚僧方外各賦一絕

插鬢茱萸來未盡共隨明月下沙堆高綯寂寂不相問

醉客無端入定來

贈殷亮

一本有御
史二字

日日河邊見水流傷春未已復悲秋山中舊宅無人住
來往風塵共白頭

夜發袁

一作烏
一本題止夜發

江寄李頴川劉侍御

時二公留
一作緩
貳在此

半夜回舟入楚鄉月明山水共蒼蒼孤猿更叫

一作秋
發

風裏不是愁人亦斷腸

對酒示申屠學士

三
一作千重江水萬重山山裏春風

一作度日閒且向白
青春

雲求一醉莫教愁夢到鄉關

對月答袁

一作元

明府

山下孤城月上遲相留一醉本無期明年此夕遊何處

縱有清秋一作光知對見一作誰

送前上饒嚴明府攝玉山

家在故林吳楚間水為溪水玉為山更將舊政化鄰邑
遙見逋人相逐還

聽歌回馬上贈崔法曹

一本題止聽歌回三字

秋風裏許杏花開杏樹傍邊醉客來共待夜深聽一曲

醒人騎馬斷腸迴

酬駱侍御答詩

風傳畫閣空知曉雨濕江城不見春堆案達牀君莫怪
已經愁思古時人

送孫直遊郴州

孤舟上水過湘沅桂嶺南枝花正繁行客自知心有託
不聞驚浪與啼猿

麓山寺會送尹秀才

湖上逢君亦不閒暫將離別到深山飄蓬驚鳥那自定

強欲相留雲樹間

送董頴

霜鴈羣飛下楚田
羈人掩淚望秦天
君行江海無定所
別後相思何處邊

別張員外

木葉紛紛湘水濱
此中何事往頻頻
臨風自笑歸時一
何晚更送浮雲逐故人

送張評事

城郭喧喧爭送遠危梁裏裏渡東津楊花展轉引征騎
莫怪山中多看人

送呂少府

共醉流芳獨歸去故園高士日相親深山古路無楊柳
折取桐花寄遠人

送人遊嶺南

少別華陽萬里遊近南風景不曾秋紅芳綠苟是行路
縱有啼猿聽却幽

妻亡後別妻弟

楊柳青青滿路垂贈行惟折古松枝停舟一對湘江哭
哭罷無言君自知

和崔法曹建溪聞猿

曾向巫山峽裏行羈猿一叫一回驚聞道建溪腸欲斷
的知斷著第三聲

湘南即事

盧橘花開楓葉衰出門何處望京師沅湘日夜東流一作

歸去不為愁人住少時

代書寄京洛舊遊

今年十月溫風起湘水悠悠生白蘋
欲寄遠書還不敢却愁驚動故鄉人

蘄州行營作

蘄水城西向北看桃花落盡柳花殘朱旗半捲山川小
白馬連嘶草樹寒

題武當逸禪師蘭若

我身

一作生

本似

一作是

遠行客况是亂時多病身經山涉

水向何處羞見竹林禪定人

穀城逢楊評事

遠自五陵獨竄身筑陽山中歸路新橫流夜長不得渡
駐馬荒亭逢故人

聽韓使君美人歌

仙人此夜忽凌波更唱瑤臺一遍歌嫁與將軍天上住
人間可得再相遇

轉應詞

邊草邊草邊草盡來共

一作兵

老山南山北雪晴千里萬

里月明明月明月胡笳一聲愁絕

精舍對雨

空門寂寂澹吾身溪雨微微洗客塵
卧向白雲晴未盡任他黃鳥醉芳春

宿灌陽灘

十月江邊蘆葉飛灌陽灘冷上舟遲今朝未遇高風便

還與沙鷗宿水湄

酬贈張衆甫

野人無本意散木任天材分向空山老何言上苑來迢
遙千里道依倚九層臺出處寧知命輪轅豈自媒更慙
張處士相與別蒿萊

客舍秋懷呈駱正字士則

無言堪自喻偶坐更相悲木落驚年長門閒惜草衰買
山猶未得諫獵又非時設被浮名繫歸休漸欲遲

寄中書李舍人紓

萍翻蓬自卷不共本心期復入重城裏頻看百草滋水流歸思遠花發長年悲盡日春風起無人見此時

贈康老人洽

酒泉布衣舊才子小小知名帝城裏一篇飛入九重門樂府喧喧聞至尊宮中美人皆唱得七貴因之盡相識南隣北里日經過處處淹留樂事多不脫弊裘輕錦綺長吟佳句掩笙歌賢王貴主於我厚駿馬蒼頭如已有

暗將心事隔風塵
盡擲年光逐杯酒
青門幾度見春歸
折柳尋花送落暉
杜陵往往逢秋暮
望月臨風攀古樹
繁霜入鬢何足論
舊國連天不知處
爾來倏忽五十年
却憶當時思眇然
多識故侯悲宿草
曾看流水沒桑田
百人會中一身在
被褐飲瓢終不改
陌頭車馬共營營
不解如君任此生

暮春遊長沙東湖贈辛充州巢父二首

湘流分曲浦
繚繞古城東
岸轉千家
合林開一鏡
空人

生無事少心賞幾回同且復忘羈束悠悠落照中
回環路不盡歷覽意彌新古木禽田火澄江盪漁人緩
歌尋極浦一醉送殘春莫恨長沙遠他年憶此辰

同兗州張秀才過王侍御參謀宅賦十韻

柳宇

十年官不進歛跡無怨咎漂蕩海內遊淹留楚鄉久因
參戎幕下寄宅湘川口翦竹開廣庭瞻山敞虛牖閒門
早春至陋巷新晴後覆地落殘梅和風裏輕柳逢迎車
馬客邀結風塵友意愜時會文夜長聊飲酒秉心轉狐

直沈照隨可否豈學屈大夫憂慙對漁叟

同辛充州巢父盧副端岳相思獻酬之作因紓

歸懷兼呈辛魏二院長楊長寧

暮角發高城情人坐中起臨觴不及醉分散秋風裏雖
有明日期離心若千里前歡反惆悵後會還如此焉得
夜淹留一回終宴喜羈遊復牽役皆去重湖水早晚泛
歸舟吾從數君子

酬袁太祝長鄉小湖村山居書懷見寄

背江居隙地辭職作遺人耕鑿資餘力樵漁逐四鄰麥
秋桑葉大梅雨稻田新籬落栽山果池塘養海鱗放歌
聊自足幽思忽相親余亦歸休者依君老此身

送汶水王明府

何時別故鄉歸去佩銅章親族移家盡閭閻百戰場背
關餘古木近塞足風霜遺老應相賀知君不下堂

奉同汴州李相公勉送郭布殿中出巡

軒車出東閣都邑達南河馬首先春至人心比歲和省

風傳隱恤持法去煩苛却想埋輪者論功此日多

送東陽顧明府罷歸

祖帳臨鮫室黎人擁鷁舟坐藍高士去繼組鄙夫留白
日落寒水青楓遙曲洲相看作離別一倍不禁愁

撫州對事後送外生宋垓歸饒州覲侍呈上姊

夫

淮汴初喪亂蔣山烽火起與君隨親族奔逃辭故里京
口附商客海門正狂風憂心不敢住夜發驚浪中雲開

方見日潮盡爐峯出石壁轉棠陰鄱陽寄茅室淹留三十年分種越人田骨肉無半在鄉園猶未旋爾家習文藝旁究天人際父子自相傳優游聊卒歲學成不求達道勝那耽貧時入間巷醉好是羲皇人頃因物役牽偶逐簪組輩謗書喧朝市撫已慙淺昧世業大小禮近通顏謝詩念渠還領會非敢獨為師

永康孫明府頤秩滿將歸枉路訪別

門前水流咽城下亂山多非是還家路寧知枉騎過風

煙復欲隔悲笑屢相和不學陶公醉無因奈別何

將赴湖南留別東陽舊寮兼示吏人

智力苦不足黎甿殊未安忽從新命去復隔舊寮歡曉
路整車馬離亭會衣冠冰堅細流咽燒盡亂峯寒者老
相餞送兒童亦悲酸桐鄉寄生怨欲話此情難

撫州處士胡泛見送北廻兩館至南昌縣界查

溪蘭若別

移樽鋪山曲祖帳查溪陰鋪山即遠道查溪非故林悽

然誦新詩落淚霑素襟
郡政我何有別情
君獨深禪庭
古樹秋宿雨清沈
沈沈揮袂千里遠
悲傷去住心

將巡郴永途中作

行役留三楚
思歸又一春
自疑冠下髮
聊此鏡中人
機息知名誤
形衰恨道貧
空將舊泉石
長與夢相親

桂陽北嶺偶過野人所居聊書即事呈王永州

邕州李道州

犬吠空山響
林深一逕存
隔雲尋板屋
渡水到柴門
日

晝風煙靜花明草樹繁乍疑秦世客漸識楚人言不記
逃鄉里居然長子孫種田燒險谷汲井鑿高原畦葉藏
春雉庭柯宿旅猿嶺陰無瘴癘地隙有蘭孫內戶均皮
席枯瓢沃野餐遠心知自負幽賞詎能論轉步重崖合
瞻途落照昏他時願攜手莫比武陵源

下鼻亭瀧行八十里聊狀艱險寄青苗鄭副端

朔陽

瀧水天際來鼻山地中坼盤渦幾十處疊溜皆千尺直

寫卷沈沙驚翻衝絕壁淙淙振崖谷洶洶竟朝夕人語
不自聞日光亂相射艤舟始搖漾舉棹旋奔激既下同
建瓴半空方避石前危苦未盡後險何其迫倏閃疾風
雷蒼皇蕩魂魄因隨伏流出忽與跳波隔遠想欲回軒
豈茲還泛鷁雲涯多候館努力勤登厯

少女生日感懷

五逢晬日今方見置爾懷中自惘然乍喜老身辭遠役
翻悲一笑隔重泉欲教針線嬌難解暫弄琴書性已便

還有蔡家殘史籍可能分與外人傳

張評事涉秦居士系見訪郡齋即同賦中字

輶車忽枉轍郡府自生風遣吏山禽在開樽野客同古
牆抽臘筭喬木颺春鴻能賦傳幽思清言盡至公城欹
殘照入池曲大江通此地人來少相歡一醉中

小雪

花雪隨風不厭看更多還肯失一作恐散

林巒愁人正在書

西一作窗下一片飛來一片寒

句

鄰里龍沙北

臨川六詠

麥秋桑葉大梅雨稻田新籬落裁

山果池塘養錦鱗

御定全唐詩卷二百七十四

欽定四庫全書
欽定四庫全書要卷一萬七千六百八十

集部

御定全唐詩卷二百七十五

張建封

張建封字本立南陽人少喜文章尚氣節厯官御史大夫徐泗濠節度使有詩文二百三十篇今存詩二首

競渡歌

五月五日天晴明楊花繞江啼曉鶯使君未出郡齋外江上早聞齊和聲使君出時皆有準馬前已被紅旗引

兩岸羅衣破暉香銀釵照日如霜刃鼓聲三下紅旗開
兩龍躍出浮水來櫂影斡波飛萬劍鼓聲傍浪鳴千雷
鼓聲漸急標將近兩龍望標目如瞬坡上人呼霹靂驚
竿頭綵挂虹蜺暉前船搶水已得標後船失勢空揮橈
瘡眉血首爭不定輸岸一朋心似燒只將輸贏分罰賞
兩岸十舟五來往須臾戲罷各東西競脫文身請書上
吾今細觀競渡兒何殊當路權相持不思得岸各休去
會到摧車折檝時

酬韓校書愈打毬歌

僕本修文持筆者今來帥領紅旗下不能無事習地矛
間就平場學使馬軍中伎癡驥智材競馳駿逸隨我來
護軍對引相向去風呼月旋朋先開俯身仰擊復傍擊
難於古人左右射齊觀百步透短門誰羨養由遙破的
儒生疑我新發狂武夫愛我生雄光杖移鬃底拂尾後
星從月下流中場人不約心自一馬不鞭蹄自疾凡情
莫辨捷中能拙目翻驚巧時失韓生訝我為斯藝勸我

徐驅作安計不知戎事竟何成且愧吾人一言惠

于良史

于良史徐州張建封從事詩七首

春山夜月

春山

一作來

多勝事賞翫夜忘歸掬水月在手弄花香滿

衣興來無遠近欲去惜芳菲南望鳴鐘

一作鐘鳴

處樓臺深

翠微

宿藍田山口奉寄沈員外

山暝飛羣鳥川長泛四隣煙歸河畔草月照渡頭人朋
友懷東道鄉闕戀北辰去留無所適歧路獨迷津

冬日野望寄李贊府

一本無野
望二字

地際朝陽滿天邊宿霧收風薰殘雪起河帶斷水流北
闕馳心極南圖尚旅遊登臨思不已何處得銷愁一作憂

閒居寄薛華

一作據

隱几讀黃老閒居耳目清僻居人事少多病道心生雨
洗山林濕鴉鳴池館晴晚來因廢卷行藥至西城一作殘日

城上高

江上送友人

看爾動行櫂未收離別筵千帆忽見及亂却故人船紛泊雁羣起逶迤沙溆連長亭十里外應是少人煙

田家秋日送友

蒼茫日初晏遙野雲初收殘雨北山裏夕陽東渡頭舟依漁獵合水入田家流何意君迷駕山林應有秋

自吟

出身三十年髮白衣猶碧日暮倚朱門從朱汚袍赤

崔膺

崔膺博陵人張建封愛其才以為客詩二首

感興

富貴難義合困窮易感恩古來忠烈士多出貧賤門世

上桃李樹

一作樹

但結繁華子白屋抱闊人青雲壯心

死本以勢利交勢盡交情已如何失情後始歎門易軌

別佳人

一作崔

天涯詩

壠上流泉壠下分斷腸嗚咽不堪聞嫦娥一入月中去

巫峽千秋空白雲

馮宿

馮宿字拱之婺州人貞元中登進士第張建封辟為掌
書記長慶初以刑部郎中知制誥太和初為河南尹歷
工刑二部侍郎東川節度使集四十卷今存詩二首

御溝新柳

夾道天渠遠垂絲御柳新千條宜向日萬戶共迎春輕

翠舍煙發微音逐頻靜看思渡口迴望憶江濱娟娟
分遊騎依依駐旅人陽和如可及攀折在茲辰

酬白樂天劉夢得

一作尹河南
酬樂天夢得

共稱洛邑難其選何幸天書用不才遙約和風新草木
且令新雪靜塵埃臨岐有愧傾三省別酌無辭醉百杯
明歲杏園花下集須知春色自東來

每春嘗接諸
公杏園宴會

陸長源

陸長源字泳之海之孫也歷汝州刺史貞元中為宣武

節度司馬總留後事軍亂遇害詩三首

樂府答孟東野戲贈

芙蓉初出水菡萏露中花風吹著枯木無奈值空槎

酬孟十二新居見寄

大道本夷曠高情亦冲虛因隨白雲意偶逐青蘿居青
蘿紛蒙密四序無慘舒餘清濯予襟散彩還吾廬去歲
登羨第策名在公車將必繼管蕭豈惟躡應徐首夏尚
清和殘芳遍丘墟褰幙蔭窗柳汲井滋園蔬達者貴知

心古人不願餘愛君蔣生逕且著茂陵書

荅東野夷門雪

郊客于汴將歸賦夷
門雪贈別長源荅此

好丹與素道不同失意得途事皆別東隣少年樂未央
南客思歸腸欲絕千里長河冰復冰雲鴻冥冥楚山雪

句

忽然一曲稱君心破却中人百家產

諷刺以

城外

下竝紀事

平人驅欲盡帳中猶打袞花毬

張衆甫

張衆甫字子初清河人河南壽安縣尉罷秩僑居雲陽

後拜監察御史為淮寧軍從事詩三首

寄興國池鶴上劉相公

馴狎經時久襯褪短翮存不隨淮海變空媿稻梁恩獨立秋天靜單棲夕露繁欲飛還歛翼詎一作誰敢望乘軒

送李司直使吳

得家花斜沙
字依次用

使臣一作君方擁傳王事遠辭家震澤逢殘雨新豐過一

遇落花水萍千葉散風柳萬條斜何處看一作有離恨春

江無限沙

送李觀之宣州謁袁中丞賦得二州渡

古渡大江濱西南距要津自當舟檝路應濟往來人翻浪驚飛鳥回風起綠蘋君看波上客歲晚獨垂綸

王武陵

王武陵字晦伯太原人官尚書郎詩二首

宿慧山寺

有序

戊辰秋八月吳郡朱遐景自秦還吳南次無錫命

余及故人竇丹列會於惠山之精舍是時山林始
秋高興在木涼風白雲起於座隅逍遙於長松之
下偃息於磐石之上仰視雲嶺俯瞰寒泉夕陽西
歸皓月東出羣動皆息視身如空立言妙論以極
窮奧丹列有遁世之志遐景有塵外之心余亦樂
天知命怡然契合視富貴如浮雲一歌一詠以紓
情性夫良辰嘉會古人所惜序述不作是闕文也
山林之下景物秀茂賦詩道意以紀方外之遊

秋日遊古寺
秋山正蒼蒼
泛舟次巖壑
稽首金仙堂下
有寒泉流上有珍禽
翔石門吐明月
竹木涵清光中夜
河沈沈但聞松桂香
曠然出塵境憂慮澹已忘

秋暮登北樓

秋滿空山悲客心
山樓晴望散幽襟
一川紅樹迎霜老
數曲清溪繞寺深
寒氣急催遙塞雁
夕風高送遠城砧
三年海上音書絕
鄉國蕭條惟夢尋

朱宿

朱宿字遐景吳郡人官拾遺詩二首

宿慧山寺

古寺隱秋山登攀度林樾悠然青蓮界此地塵境絕機
閒任晝昏慮澹知生滅微吹遞遙泉疎松對殘月庭虛
露華綴池淨荷香發心悟形未留遲遲履歸轍

歲月人間促煙霞此地多殷勤竹林寺更得幾回過